


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-2004/23-AP-7
Datum: 25.09.2023. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

01. X. 2023.
02-

Prijeto: 29-09-2023			
Org. jed.	Kl. ozna.	Red. broj	Pr. priloga
02	04		

GRADONAČELNIK Z A V I D O V I Ć I

PREDMET: Vijećnička pitanja i inicijative sa 17. sjednice Gradskog vijeća održane, dana 25.09.2023. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 17. sjednici Gradskog vijeća održanoj, dana 25.09.2023. godine:

- Inicijativa vijećnika Ferida Kaknjaševića- Inicijativa-Informacija u sektoru kladenja i igara na sreću
- Inicijativa vijećnika Haris Hodžić- Inicijativa za donošenje Odluke o izgradnji pješačke staze na šetalištu pored hotela Kristal u ulici „Hasana Kjačije Pruščaka“
- Inicijativa vijećnika Šemsudin Skejić- Inicijativa za promjenu procedure Rasprava po vijećničkim inicijativama i načinu na koji se iste usvajaju;
- Inicijativa vijećnika Šemsudin Skejić- Inicijativa za donošenje Odluke o subvencioniranju troškova liječenja djece i mladih oboljelih od malignih bolesti (hema-onkološki pacijenti) u iznosu od 1000 KM po pacijentu godišnje
- Inicijativa vijećnika Admir Fojnica – Inicijativa za raspisivanje Javnog konkursa za učenike osnovnih i srednjih škola u obilježavanju značajnih datuma za državu i lokalnu zajednicu u pisanju literarnih radova;
- Inicijativa vijećnika Admir Fojnica – Inicijativa za izgradnju spomenika ubijenoj djeci Zavidovića tokom agresije na Republiku Bosnu i Hercegovinu u periodu 1992 – 1995. godine;
- Vijećničko pitanje Hakija Osmić;
- Vijećničko pitanje Armin Imamović (1) i (2);
- Vijećničko pitanje vijećnika Ferida Kaknjaševića;
- Vijećničko pitanje vijećnika Hamdo Džinić;
- Vijećničko pitanje vijećnika Haris Hodžić;
- Vijećničko pitanje vijećnika Mujkić Admir (1), (2) i (3);
- Vijećničko pitanje vijećnika Šemsudina Skejića (1) i (2);
- Vijećničko pitanje Ramiza Latifovića;
- Vijećničko pitanje Refik Čatić

U prilogu akta dostavljam Vam vijećnička pitanja i Inicijative postavljena na 17. sjednici Gradskog vijeća održane, dana 25.09.2023. godine.

Odgovore na postavljena vijećnička pitanja i inicijative potrebno je dostaviti predsjedavajućem Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 17. sjednice Gradskog vijeća održane, dana 25.09.2023. godine

DOSTAVLJENO:

1. Naslovu,
2. U spis
3. a/a





Broj: 01-04-2004/23-AP-7
Datum: 25.09.2023. godine

GRADONAČELNIK **Z A V I D O V I Ć I**

PREDMET: Vijećnička pitanja i inicijative sa 17. sjednice Gradskog vijeća održane, dana 25.09.2023. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 17. sjednici Gradskog vijeća održanoj, dana 25.09.2023. godine:

Hakija Osmić

Predmet: Vijećničko pitanje

Shodno odredbama o radu Poslovnika Gradskog vijeća postavljam vijećničko pitanje koje se odnosi na poslove asfaltiranja puta Brezik – Lug – Memići. Naime, pitanje postavljam iz razloga interesa mještana, a i mene lično interesuje kada će krenuti ti radovi. Imam informaciju da jedan značajan broj građana pomenutih naseljenih mjesta je učestvovao u dobrovoljnim priložima i da su sakupili značajna finansijska sredstva, očekuju vjerovatno i od gradskog budžeta i od gradonačelnika i nadležnih službi da se uključe u taj projekat dobrovoljnih priloga, da daju svoj doprinos iz budžeta grada i da se krene u realizaciju tog projekta. Znamo da je jesen već stigla, zimski period je veoma blizu i evo dobro bi bilo da se prije kišnih i snježnih dana pokuša realizirati taj projekat.

Armin Imamović

Predmet: Vijećničko pitanje (1)

Kada se planira podijeliti kante uz sliv rijeke Krivaje, kante za smeće?

Predmet: Vijećničko pitanje (2)

Da li je predviđeno iz Brašljevinu autobuska linija?

Ferid Kaknjašević

Predmet: Inicijativa

Na osnovu člana 8., te člana 87. Poslovnika o radu Gradskog vijeća Zavidovići upućujem vijećničku inicijativu naslovljenu na stručnu službu gradskog vijeća Zavidovići da zajedno sa nadležnim službama sačini i uvrsti na dnevni red na neku od narednih sjednica Informaciju u sektoru klađenja i igara na sreću.

Obrazloženje: Veliki broj građana u zadnje vrijeme traži da se o ovome raspravlja na vijeću navodeći da su klađenje i kockanje u zamahu i da je za ovako mali grad preveliki broj mjesta

gdje se ista mogu obaviti, čime se posljedično doprinosi siromaštvu i hroničnom stresu stanovništva.

Nisu potrebna sredstva za provođenje predmetne inicijative.

Predmet: Vijećničko pitanje

Na osnovu člana 8., te člana 87. Poslovnika o radu Gradskog vijeća Zavidovići upućujem vijećničko pitanje menadžmentu i direktorici JU Dom zdravlja Zavidovići u kojemu tražim odgovor na rad i funkcionisanje rada pojedinih službi.

Naime pismenim putem u anonimnom pismu od „grupe građana- trudnice“ i „grupe građana-majke“ traži se od mene da ukažem na probleme koji postoje u nefunkcionisanju dvije službe i to Službe za ginekologiju i perinatologiju sa porodilištem i pedijatrijske službe.

Ukratno problemi se odnose na nefunkcionalnost porodilišta i problemi sa naručivanjem i dinamikom pregleda na Službi za dječije bolesti (4 pedijatra, prazni hodnici, a pacijenti se vraćaju itd)

Uz vijećničko pitanje prilažem i kopiju navedenog pisma.

PRILOG: Pismo

501 11
704
11:39:31

JP BH POŠTA d.o.o.	
	1,10 KM
72220	16.09.2023

Specijalističko Ginekološka
Ordinacija Dr. KAKNJAŠEVIĆ
Ul. Gazi Husref-begova bb
72220 Zavidovići
n/r Doktora

POŠTOVANI DOKTORE OBRAĆAMO VAM SE KAO OPĆINSKOM VIJEĆNIKU I DOKOTORU DA VAM UKAŽEMO NA PROBLEME KOJI POSTOJE U DOMU ZDRAVLJA ZAVIDOVIĆI.

KAO ŠTO VAM JE POZNATO U DOMU ZDRAVLJA POSTOJI PORODILIŠTE KOJE SE FINANSIRA IZ ZAVODA.

TO PORODILIŠTE POSTOJI SAMO ZA UZIMANJE SREDSTVA OD ZAVODA. SADA SE SVE TRUDNICE ŠALJU ZA ZENICU JER IM KAŽU DA VIŠE NEMAJU BABICA I DA NE RADI.

NIJE TAČNO IMAJU, RADE ALI NEZNAJU ORGANIZOVATI I RADITI. AKO FALI ZAŠTO NE PRIME SA BIROA ŽENE KOJE SU GODINAMA NA ČEKANJU TOG POSLA.

VI KAO OPĆINSKI VIJEĆNIK I DOKTOR OD TE STRUKE MOLIMO VAS KAO GRUPA GRAĐANA (TRUDNICA) DA NA VIJEĆU POSTAVITE PITANJE U VEZI OVOG.

KAKO NEŠTO DA POSTIJI, A PACIJENTI SE NE ZBRINJAVAJU I NE DOBIJAJU POTREBNU USLUGU, NEGO SU PREPUŠTENI SAMI SEBI I SREĆI.

POROD KAD KRENE JEL MOGUĆE DA U 21 VIJEKU JEDNA ZDRAVSTVENA USTANOVA NE MOŽE PRUŽITI USLUGU A IMA ČAK 2 LJEKARA GINOKOLOGA.

GRUPA GRAĐANA – MAJKE

NA DJEČIJEM U DOMU ZDRAVLJA IMAJU 4 PEDIJATRA KAD GOD SE DOĐE HODNICI SU PRAZNI A PACIJENTI SE VRAĆAJU, MORA SE NARUČITI.

DJĘČA SA TEMPERATUROM PO 3 DANA DOVEDU SE I VRATE, DOBIJU TERMIN ZA 3-4 DANA,

KAKO RODITELJ MOŽE ZNATI KAD ĆE SE DIJETE RAZBOLJETI I DA TRAŽI 7 DANA PRIJE TERMIN?

MOLIMO VAS DA OVA PITANJA POSTAVITE NA OPĆINSKOM VIJEĆU JER JE GRAD ZAVIDOVIĆI OSNIVAČ DOMA ZDRAVLJA I MENUJE UPRAVU – DIREKTORA.

KAKO VAM MOŽE PROĆI IZVJEŠTAJ O POSLOVANJU, A PACIJENTI NEMAJU ADEKVATNU USLUGU?

NAPLAĆUJE SE SVE I ŠTO TREBA I ŠTO NE TREBA.

Dr.Ferid Kakanjašević
Ul.Gazi Husref begova
72220 Zavidovići

Hamdo Džinić

Ja ću jedno usmeno vijećničko pitanje postaviti, tiče se izgradnje rekonstrukcije vodovoda u Vožućoj i evo svi smo mi ovdje svjedoci da smo nekad u jesen prošle godine potpisan završni ugovor da se završi, da se može koristiti vodovod u Vožućoj. Međutim urađeno je sve osim bazena. E sad imali smo jedan problem na koji sam ja ukazivao čitavo ljeto ove godine i proljeće pristupnog puta _ i taj problem je, evo raspisale su službe javnu nabavku, prošlo je čini mi se BN transport je realizovao prije jedno mjesec do mjesec i po, čovjek me zvao sa terena da je napravio taj pristupni put, mada kalkulacije nisu baš bile dobro sračunate, ali _ uradio i od tad nadalje čekamo preduzeće Heldovac da nastavi sa radom odnosno izgradnjom bazena, jer imamo sredstva odobrena već od prošle godine. Ulazimo u jesenski period, sezonu da se kad je ovaj pristupni put urađen prije mjesec i po da se pristupilo izgradnji bazena, moglo se da se ne raspisuje ponovo javna nabavka za taj pristupni put, bilo je ljeto, suho ovako kako svi znamo bez padavina. Ja sam ubijeđen pošto sam na terenu bio dva puta izlazio, ako se u narednom periodu, narednih 10, 15 dana, mjesec, ne krene sa izgradnjom bit ćemo primorani, sad su već drugačiji uslovi da će se morati dodatno raspisivati javne nabavke za pristupni put , sigurno još 10, 15, 20 hiljada km. Da smo to radili ljetos ne bi trebalo, ali evo ako se i to mora samo da se završi. Pa me zanima kad će služba da mi odgovori, pismenim putem bih radije, ako može i usmeno sad, ali i pismenim. Kad se planira nastaviti, je li neko kontaktirao Heldovac kad nastavljaju, jer njemu već godinu dana ima potpisan ugovor. Nekih stotinjak hiljada i nešto ja mislim nije realizovano, to su ta dva bazena po 100 kubika. Toliko.

Haris Hodžić

Predmet: Inicijativa za donošenje Odluke o izgradnji pješačke staze na šetalištu pored hotela Kristal u ulici Hasana Kjačije Pruščaka

Poštovani na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim inicijativu za donošenje Odluke o izgradnji pješačke staze na šetalištu pored hotela Kristal u ulici Hasana Kjačije Pruščaka.

U skladu sa stavom 4. pomenutog člana ovu inicijativu dostavljamo u pisanoj formi sa

OBRAZLOŽENJEM kako slijedi:

Šetalište pored hotela Kristal u ulici Hasana Kjačije Pruščak predmet je čestih sajamskih izližbi i posjete velikog broja građana kako domaćih, tako i drugih lokalnih sredina.

Trenutna asfaltna podloga ovog šetališta je u jako lošem stanju i loša je „slika“ naše lokalne zajednice onima koji posjećuju sajamske izložbe kao i građanstvu koje svakodnevno šeta ovim dijelom ulice.

Rekonstrukcija ulice hotela Kristal zahtijeva izgradnju pješačke staze u dužini od cca 150 m na potezu od mosta „Duga“ do mosta „318 Brdske brigade“.

Sredstva za realizaciju ove inicijative predvidjeti Budžetom Grada Zavidovići za 2024. godinu u iznosu od 70.000,00 KM.

S poštovanjem,

Haris Hodžić

Predmet: Vijećničko pitanje

Jedno vijećničko pitanje usmeno, može naravno i odgovor usmeni, ako ne onda pismeno. Obzirom da su mandati članova Savjeta MZ na području Grada Zavidovići istekli i da još uvijek gradska uprava, nadležna služb, odnosno komisija nije raspisala nove izbore za članove MZ, postavljam pitanje kada, zašto nisu raspisani novi izbori? Zašto i kada imaju u planu da se raspišu novi izbori za članove Savjeta MZ.

Mujkić Admir

Predmet: Vijećničko pitanje (1)

Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje

U skladu sa vijećničkim ovlastima zatražit ću odgovor na pitanje zašto se ne raspisuju javni pozivi za sanaciju mjesnih zajednica društvenih domova budući da je kantonalni nivo vlasti zainteresovan za tu vrstu saradnje i da postoje određene vrste garancija da se u narednom periodu ostvari finansijski transfer za sanaciju dva društvena doma u mjesnim zajednicama. U kontaktu sakantonalnim nivoima vlasti smo dobili uvjeravanja da će novac biti prebačen ukoliko grad raspiše poziv za sanaciju društvenih domova.

Predmet: Vijećničko pitanje (2)

Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje

Pitanje upućujem na Službu za upravu civilne zaštite da nam predstave Izvještaj o sanaciji šteta nastalih kao posljedica prirodnih katastrofa i klizišta u periodu 2014. – 2023. godine. Izvještaj bi trebao da sadrži osnovne informacije o mjestu na kojem je sanacija obavljena, razlozima koji su proizveli materijalnu štetu, vlasniku objekta na kojima je sanacija ostvarena kao i iznosu i vrsti sredstava uloženi u postupku sanacije štete.

Predmet: Vijećničko pitanje (3)

Poštovani, na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća postavljam vijećničko pitanje

Vijećničkim pitanjem obraćam se nadležnoj službi grada da nam dostave informaciju o planovima legalizacije i prostornog planjenja javih puteva nad kojima do sad nije proveden imovinsko-pravni postupak obzirom da se radi uglavnom o putevima u seoskim sredinama. Molim da se u izvještaj uvrste svi putevi u našem gradu nad kojima do sad nije proveden navedeni postupak uknjižbe, zbirna dužina puta koji nije legalizovan, kao i informacija o razlozima zbog kojih postupak nije proveden.

Skejić Šemsudin

Predmet: Inicijativa

Donošenje Odluke za promjenu procedure Rasprava po vijećničkim inicijativama i načinu na koji se iste usvajaju

Na osnovu člana 109. Poslovnika o radu Gradskog vijeća podnosim inicijativu za donošenje Odluke za promjenu procedure Rasprava po vijećničkim inicijativama i načinu na koji se iste usvajaju.

Već duže vrijeme vijećničke inicijative sve više postaju razlogom narušavanja odnosa Gradonačelnik – Gradsko vijeće, a takođe i odnosa između vijećnika. Kada se usvoje većina je „tijesna“. Mišljenja Gradonačelnika su većinom „ne treba prihvatiti“, a kada se usvoje uglavnom se ne realizuju.

Zar nije apsurdno da se vijećnik mora izjasniti, a da pri tome ne može reći zbog čega, niti može da čuje mišljenje drugih prije nego se odluči.

Pogledajmo jedan tipičan primjer, a ima ih na desetine.

Na dnevnom redu 16. sjednice 28.07.2023.godine imali smo inicijativu za formiranje Javnog komunalnog preduzeća „Grijanje“ d.o.o. Zavidovići. Kako glasati za ili protiv?

- Bez ijednog relevantnog podatka od relevantnog subjekta
- Bez mogućnosti da o tome kažem bilo šta
- Bez da čujem mišljenje o tome od vijećnika, uprave, nadležne službe ...

Brojni su primjeri prihvatanja ili odbijanja inicijativa bez rasprava.

Zbog toga vratimo u poslovnik obavezu rasprava i usvajanja inicijativa na osnovu konstruktivnih rasprava.

Predmet: Inicijativa

Donošenje Odluke o subvencioniranju troškova liječenja djece i mladih oboljelih od malignih bolesti (hema-onkološki pacijenti) u iznosu od 1000 KM po pacijentu godišnje

Na osnovu člana 109. Poslovnika o radu Gradskog vijeća podnosim inicijativu za subvencioniranje troškova liječenja hemato-onkoloških pacijenata (djece i mladih) Grada Zavidovići.

Usvajanjem ovakve Odluke djeca i mladi hemato-onkološki pacijenti ostvarili bi subvenciju u iznosu od 1000 KM godišnje za svakog pacijenta.

Naime, prema nezvaničnim podacima kojima raspolazem (čuvajući njihovu privatnost), ovom trenutku na području Grada Zavidovići postoji oko petoro djece koja se vode kao hemato-onkološki pacijenti i koji svoje liječenje i kontrole obavljaju na Hematoonkološkom odjeljenju Pedijatrijske klinike Univerzitetskog kliničkog centra u Sarajevu. Tačan broj hemato-onkoloških pacijenata moguće je po zahtjevu dobiti od JU „Dom zdravlja“ Zavidovići, a da ih ima oko pet moja je procjena.

Liječenje od ove bolesti je veoma dug, težak i traumatičan proces, koji zahtijeva kontinuiranu i dugotrajnu izolaciju djeteta od društva.

Njihova borba je borba za cijeli život i način života se od uspostavljanja dijagnoze potpuno mijenja. Liječenje je dugotrajno i mukotržno i zahtijeva pored liječenja citostaticima primjenu i drugih lijekova, operativne zahvate, stalne kontrole i psihološku pomoć.

Budući da se mnogi lijekovi ne mogu dobiti u domovima zdravlja i da se mnogi nalazi ne mogu uraditi u domovima zdravlja niti na Pedijatrijskoj klinici, roditelji su primorani raditi nalaza u privatnim laboratorijama, čak i u inostranstvu i kupovati lijekove, što iziskuje ogromne troškove koje roditelji ne mogu podnijeti. Dodatne troškove predstavljaju i stalni odlasci na kontrole u kliniku Univerzitetskog kliničkog centra u Sarajevu.

Način života se potpuno mijenja i u smislu ishrane koja mora biti kvalitetna, jer se djeci moraju omogućiti zdrave organske namirnice, vitamini i drugi razni suplementi koji će im pomoći tokom liječenja, ali i kasnije nakon završetka liječenja, a sve to mnogo košta.

Posljedice bolesti, ali i posljedice liječenja, posebno hemoterapije, javljaju se i godinama nakon prestanka liječenja, te je djeci potreban stalan medicinski nadzor i praćenje.

Zbog svega navedenog predlažem da se iz Budžeta grada izdvoje novčana sredstva koja će biti namijenjena djeci i mladima i koja će pomoći njihovim roditeljima da se lakše nose sa finansijskim teškoćama i sa svim onim što ove bolesti nose sa sobom.

Smatram da moramo pokazati odgovornost i solidarnost sa ovom djecom i njihovim roditeljima, moramo pokazati da nisu sami i staviti ih u vrh prioriteta.

Potrebna sredstva za realizaciju inicijative predvidjeti u procesu usvajanja Budžeta Grada za 2024. godinu.

Predmet: Vijećničko pitanje (1)

Na osnovu člana 8. i 87. Poslovnika o radu Gradskog vijeća postavljam vijećničko pitanje:

Kada će biti usvojen i donešen Dokument izmjena i dopuna Regulacionog plana „LUKE“ Zavidovići?

OBRAZLOŽENJE:

Davne 2018. godine, preciznije 31.01.2018.godine, Općinsko vijeće Zavidovići („Službeni glasnik Općine Zavidovići“, broj 5/08 i 5a/08) donijelo je

ODLUKU

O pristupanju izradi izmjena i dopuna Regulacionog plana „LUKE“ Zavidovići.

Predviđeni rok za izradu izmjena i dopuna Regulacionog plana je 6 (šest) mjeseci od dana usvajanja odluke.

Na aprilskoj sjednici ove godine, što je više od 5 godina od dana pristupanja izradi izmjene i dopune plana, usvojili smo NACRT DOKUMENTA.

Bili smo apsolutno jednoglasni i na taj način vrlo jasno smo pokazali da znamo kolika je važnost usvojenog dokumenta.

Utrkivali su se za govornicom vijećnici različitih opcija kako bi došli do političkih poena.

Danas, gotovo 6 godina od usvajanja odluke za donošenje tog dokumenta, a 5 mjeseci nakon usvajanja nacrt, opet tapkamo u mjestu. Zašto?

Je li zbog toga što nemamo saglasnost Zavoda za urbanizam i prostorno uređenje ZD Kantona?

Je li iko odgovoran zato što ovaj dokument nije usvojen u roku 6 godina?

Zbog toga što dokumenta nema izostala je i investicija milionske vrijednosti sa novcem viših nivoa vlasti i novcem iz gradskog Budžeta.

Hoće li neko i na narednim izborima ubirati političke poene ili ćemo konačno definisati status ovog projekta?

Predmet: Vijećničko pitanje (2)

Na osnovu člana 8. i 87. Poslovnika o radu Gradskog vijeća postavljam vijećničko pitanje:

1. Ima li Gradska uprava rješenja kako zaštititi i iskoristiti vlastito građevinsko zemljište na lokalitetu Poslovne zone Majdanska polja označena sa:

k.č. 211 ukupne površine 4207 m²

k.č. 209/1 ukupne površine 4246 m²

k.č. 203/3 ukupne površine 1534 m²

k.č. 216/12 ukupne površine 1016 m²

k.č. 216/7 ukupne površine 686 m²

k.č. 216/6 ukupne površine 1827 m²

2. Da li je izvodljivo da se za svaku parcelu obezbijedi kolski pristup i da se putem javnog konkursa izvrši prodaja?
3. Da li će blagovremeno biti sprovedene sve radnje koje će obezbijediti zaštitu od gubitka prava vlasništva po osnovu Zakona o stvarnim pravima, član 58.(sticanje dosjelošću) i član 59. Gradnja na tuđem zemljištu.
4. Postoji li mogućnost da mi odgovori urbanističko – građevinski inspektor?


Posjetit ću Vas da je u toku ili je već završen sudski postupak protiv grada kao vlasnika građevinskog zemljišta upravo na ovom lokalitetu.

Postaje sve izvjesnije da će takav i slični postupci biti naša svakodnevica u budućnosti.

Na temelju rezultata pravosnažnog rješenja ovog spoa temeljit će se obrazloženja tužitelja i odbrane u sljedećim sporovima.

Koristim priliku da još jednom podsjetim nadležne da pažljivo pripreme tačku dnevnog reda, stanje imovine u vlasništvu grada na oktobarskoj sjednici.

PRILOG:



Latifović Ramiz

Predmet: Vijećničko pitanje

Kada će biti održani izbori za članove Savjeta MZ, jer je istim istekao mandat, a i dalje djeluju i rade u svojim mjesnim zajednicama.

Da li oni dalje mogu obnašati funkciju člana Savjeta MZ, ako je odgovor da mogu, molim pismeno da mi odgovorite na osnovu kojeg člana Statuta, jer mandat člana Savjeta traje 4 godine, od dana održavanja izbora, a zanj izbori održani su u julu 2019. godine.

Čatić Refik

Poštovani vijećnici i ostali u ovoj sali. Pitam da li Centar za mentalno zdravlje ima SOS telefon? Prepoznajete sigurno zbog čega pitam. Većina gradova ima takav telefon u sklopu sve učestalijeg nasilja u porodici i zbog sve učestalijih zločina koji su psihološke naravi. Iz ovog pitanja proizlazi i inicijativa ako nema takav telefon, a ona će glasiti da Centar za mentalno zdravlje u skladu sa još nekim institucijama kao što je CZR, eventualno odjel psihijatrije, tragom onog što imaju slične institucije, odnosno općine i mi u Zavidovićima priličimo, takav jedan oblik pomoći građanima u tim urgentnim situacijama koje se nažalost najčešće dešavaju u noćnim satima, u vremenu kad ne rade institucije itd. Dakle još jednom, pitanje, ako nema iz njega proističe inicijativa da Centar za mentalno zdravlje pokrene takav telefon u našem gradu.

Admir Fojnica

Predmet: Inicijativa za raspisivanje Javnog konkursa za učenike osnovnih i srednjih škola u obilježavanju značajnih datuma za državu i lokalnu zajednicu u pisanju literarnih radova.

Na osnovu člana 109. Poslovnika o radu Gradskog vijeća Zavidovići, inicijativu podnosim u pisanom formi.

Obrazloženje:

Posljednji Javni konkurs za učenike osnovnih i srednjih škola u pisanju literarnih radova na području našeg Grada bio je u novembru 2018. godine. S obzirom da imamo veliki broj mladih ljudi koji pišu, rade na očuvanju pisane riječi, ovo će im biti prilika da pokažu svoj alenat, a Grad Zavidovići da pokaže da nam je stalo do naših mladih.

Ovom inicijativom planirano je da javni konkursu pisanju literarnih radova za učenike osnovnih i srednjih škola bude četiri puta u toku jedne godine i to na sljedeće za sve nas bitne datume:

1. mart – Dan nezavisnosti Bosne i Hercegovine
2. 15. april – Dan Armije BiH
3. 15. septembar – Dan Grada Zavidovići
4. 25. novembar – Dan državnosti BiH

Novčane nagrade i diplome bi bile obezbijedene za tri prvorangirana učenika osnovnih i tri prvorangirana učenika srednjih škola i to na sljedeći način:

Prvo mjesto 150 KM

Drugo mjesto 100 KM

Treće mjesto 50 KM

Za realizaciju inicijative potrebno je obezbijediti sredstva u iznosu od 3000 KM, od čega bi 2400 KM bilo utrošeno za nagrade, a 600 KM za troškove štampanja diploma i troškove reprezentacije.

Sredstva za realizaciju inicijative planirati Budžetom za 2024. godinu, a obavezu prijema i pregledanja radova preuzet će Udruženje ljubitelja i autora pisane riječi „Duga“ Zavidovići uz podršku profesora Bosanaskog jezika i književnosti koji rade u osnovnim i srednjim školama na području Grada Zavidovići.

Predmet: Inicijativa za izgradnju spomenika ubijenoj djeci Zavidovića tokom agresije na Republiku Bosnu i Hercegovinu u periodu 1992 – 1995. godine

Na osnovu člana 109. Poslovnika o radu Gradskog vijeća Zavidovići, inicijativu podnosim u pisanoj formi.

Obrazloženje:

Saglasno naučnim nalazima i tumačenjima, međunarodno humanitarno pravo, kojeg su prihvatile mnoge zemlje članice UN-a, među kojima je i Bosna i Hercegovina, prihvaćeno je da se osoba do navršenih osamnaest godina života smatra djetetom.

Za vrijeme agresije na Bosnu i Hercegovinu, na slobodnom području zavidovičke općine ubijeno je 25 djece. Od toga 12 djevojčica i 13 dječaka. Djeca su ubijana snajperima, granatama, minama na svim mogućim mjestima: u stanovima, u blizini svojih kuća, bolnica, na igralištima, na ulicama i drugim mjestima. Ubijena su djeca iz grada i 1 različitih sela. U gradu je ubijeno šestoro djece, a na seoskim područjima devetnaestero djece.

U cilju izgradnje kulture sjećanja, odnosno memoralizacije stradanja ubijene djece Zavidovića, smatram da je najmanje što možemo da uradimo za ubijenu djecu našeg Grada je očuvanje sjećanja na njih. S tim u vezi, smatram da je izgradnja spomenika ubijenoj djeci Zavidovića stroga dužnost našeg društva.

Lokacija koja bi bila pogodna za izgradnju spomenika je u ulici Maršala Tita, šetalište ispod hotela Kristal, ukoliko nije izvodivo, naravno Grad Zavidovići može odrediti neku novu lokaciju.

U razgovoru sa stručnim ljudima koji su već radili slične spomenike, za realizaciju ove inicijative potrebno bi bilo izdvojiti 20.000 KM.

Sredstva za realizaciju inicijative planirati Budžetom Grada Zavidovići za 2024. godinu.

Usmeni odgovori na vijećnička pitanja postavljena na 17. sjednici Gradskog vijeća 25.09.2023. godine

Gradonačelnik – Hašim Mujanović

Koristim priliku da vas sve srdačno pozdravim. Krenut ćemo od Hakije Osmića vijećničko pitanje asfaltiranje puta Brezik-Lug-Memići, dakle 20.09. otvorene su ponude, slijedi i aukcija, tako da će u ovih par dana biti završeni poslovi. Svakako tu grad uzima svoje učešće kao i na svim drugim projektima, tako da nećemo biti izuzeti ni iz ovog projekta.

Kada je u pitanju **vijećničko pitanje Armina Imamovića**, kante za zbrinjavanje komunalnog otpada. Javno komunalno preduzeće već učestvuje u javnom pozivu za nabavku kanti, tako da vjerujem da će pokriti jedan dio tog vanurbanog dijela našeg grada i vjerujem da će biti značajan broj kao što je bilo i u prethodnom tom ciklusu, kada smo obezbijedili nekih 5000 kanti, za 2.500 domaćinstava.

Što se tiče autobuske linije u toku je javni poziv za upravu, usklađivanje ili novi vozni red. Kompletan taj vozni red je bio prilagođen učenicima osnovnih i srednjih škola, tako da ćemo nastojati da se pokrije, zavisi kakvo bude interesovanje od autoprevoznika, dakle u toku je kompletna ta procedura i ona traje do kraja ovog mjeseca, tako da ćemo znati ko će biti taj neki novi autoprevoznik ili će ostati Almy koji je bio stari prevoznik, koji nije radio.

Što se tiče **Hamde Džinića**, njegovog pitanja, Feridovo bih preskočio, s obzirom da se radi o inicijativi, a ne o pitanju. Hamdo Džinić- Vodovod Vozuća, izvođač radova je konačno ušao u izvođenje radova, dakle radi, na terenu je. Mislim da je u subotu sad ušao, bilo je dosta tu problema, upravo zbog tog puta, mi smo napravili grešku, s obzirom na dužinu puta koji je trebalo da se raspiše, kako bi se došlo do bazena. Međutim išlo se drugim putem, gdje nisu riješeni odnosi, tako da, onda bismo otišli skorz, izgubili bi i ne bi riješili, dok ne bismo došli

ovdje na vijeće da proglasimo javni interes, pa pravimo taj put koji nam ne treba, tako da evo skraćena je procedura i izvođač je već, ja očekujem da će riješiti taj bazen, ono drugo je završeno.

Vijećničko pitanje ovamo mandati i članovi Savjeta, **Haris i Ramiz**. Dakle, to će Samira najvjerojatnije odgovoriti, ali ono što ja znam, jeste da smo mi tu radili procedure donošenja Statuta, pa zbog toga bismo eto na jedan jedinstven način sve to riješili kroz Statut, najvjerojatnije da je zbog toga, ali evo vidjet ćemo što se tiče mandata, Samira je tu pozvanija da može dati odgovor.

Što se tiče pitanja **Skejić Šemsudina** Izmjene i dopune Regulacionog plana u nacrtu su prošle, materijal je kompletan, dakle u Službi za urbanizam i one su trebale da pripreme, pomoćnik je na bolovanju, a znate da smo deficitarni sa ljudima. Naravno da to nije opravdanje, ima dosta je elemenata bilo zašto to nije urađeno do sad, bilo je problema i od samog izvođača iz Banja luke, ali uglavnom vjerujem da će na narednoj sjednici vijeća već biti na dnevnom redu i taj Regulacioni plan „LUKE“. Toliko. Hvala.

Admir Fojnica

Zahvaljujem gradonačelniku. Gospodin Hakija Osmić zadovoljan odgovorom?

Hakija Osmić – zadovoljan.

Admir Fojnica - Gospodin Imamović zadovoljan odgovorom?

Armin Imamović – zadovoljan.

Admir Fojnica

Gospodin Hamdo Džinić, je li treba pismeni odgovor?

Hamdo Džinić – treba.

Admir Fojnica

Gospodin Latifović zadovoljan?

Ramiz Latifović – pisani odgovor.

Admir Fojnica

I gospodin Skejić Šemsudin, zadovoljan?

Skejić Šemsudin – nisam zadovoljan, imam li pravo izaći da kažem zašto nisam?

Admir Fojnica – Ne, pisani odgovor ćete dobiti.

Odgovori na vijećnička pitanja postavljena na 15. sjednici nGradskog vijeća Zavidovići, održana dana 23.06.2023. godine

Admir Fojnica

Da li ste zadovoljni odgovorom ili imate dopunsko pitanje, Skejić Šemsudin?

Šemsudin Skejić – Nisam zadovoljan, imam dopunsko pitanje.

Admir Fojnica – izvolite

Šemsudin Skejić – Nisam zadovoljan, odgovor je jedva polovičan, a očekivao sam da od jedino nadležne osobe da dobijem, to je urbanističko – građevinski inspektor, ali nisam siguran da li on uopšte zna za moje pitanje.

Admir Fojnica

Dobro, zahvaljujem. Gospodin Kaknjašević zadovoljan?

Ferid Kaknjašević – Dopunsko pitanje za Dom zdravlja. Ja sam u svom pitanju tražio, možda sam ja i pogriješio u formulaciji pitanja, tražio sam spisak donirane opreme, mislio sam u principu da se to odnosi na medicinsku opremu, ne na _ , ne znam ni ja na kompjutere itd. Međutim, dobro je da imamo uvid i u to. Volio bih da se ako može napravi restrikcija ovog mog odgovora, u smislu da mi se samo jedan spisak medicinske opreme koja je trenutno u fuknciji. Ovo govorim iz tog razloga, smisao mog pitanja i jeste bio da su me mnogi pacijenti

pitali koliko je njihovo direktno učešće i čak su počeli _ Domu zdravlja da se naplaćuju usluge na doniranim aparatima, što je stvarno van pameti. Čak su i neke kolege po rješenju ministarstva dobili, čini mi se da ta formulacija nije do kraja jasna, dobili mogućnost da rade u Domu zdravlja van punog radnog vremena i da zarađuju, je li tako, a takođe mnogi rade da se razumijemo na doniranoj opremi. Možda ovo što ja pričam neko će reći da nije istina, a mi ćemo ovo dotjerati do kraja. Evo recimo holter koji je tu naveden, holter je 24- časovno snimanje rada i ritma srca. Znam da taj aparat košta oko 4.000 KM, znam da je njegova cijena 80 KM i da nisu oslobođeni čak ni invalidi. Kad sam ja pitao da li sam ja oslobođen kao RVI, rekli su svi plaćaju, razlika 80 KM je velika, participacija za jedan snimak holtera koji košta 4.000 KM, a u donaciji je. Evo pogledajte, naći ćete tamo holter EKG. Mislím da je to prevelika cijena. Ne kažem da nešto ne treba naplatiti i moj smisao ovog pitanja, ja ću ga dovesti do kraja, da vidimo koji je to spisak donirane opreme i koliko je učešće direktno pacijenata na njima, te molim stoga da mi se uradi restrikcija ovoga spiska samo na medicinsku opremu. Hvala.

Admir Fojnica

Zahvaljujem, a prva dva pitanja da li ste zadovoljni odgovorom?

Ferid Kaknjašević - zadovoljan

Admir Fojnica - Samir Skejić?

Samir Skejić – Odsutan.

Admir Fojnica

Prelazimo na **odgovore na vijećnička pitanja sa 16. sjednice Gradskog vijeća Zavidovići, održane dana 28.07.2023.godine**

Da li ste zadovoljni sa odgovorom ili imate dopunsko pitanje, Zahid Avdičević?

Zahid Avdičević – zadovoljan.

Admir Fojnica

Skejić Samir, nije prisutan.

Skejić Samir – odsutan.

Admir Fojnica

Asim Sinanović?

Asim Sinanović – zadovoljan

Admir Fojnica

Tuzlić Fehim?

Tuzlić Fehim – zadovoljan.

Admir Fojnica

Haris Hodžić?

Haris Hodžić – nije zadovoljan.

Admir Fojnica

Huskić Hasib? Nije tu.

Huskić Hasib – odsutan.

ZAPISNIK SAČINILA

Armina Bajrić



OVJERAVA SEKRETAR
GRADSKOG VIJEĆA
Samira Pinjić, dipl. pravnik



Šemsudin Skejić
Gradski vijećnik

-Predsjedavajući Gradskog vijeća-

PREDMET: VIJEĆNIČKO PITANJE

Na osnovu člana 8. i 87. Poslovnika o radu Gradskog vijeća, postavljam vijećničko pitanje:

KADA ĆE BITI USVOJEN I DONEŠEN DOKUMENT IZMJENA I DOPUNA REGULACIONOG PLANA „LUKE“ ZAVIDOVIĆI?

OBRAZLOŽENJE:

Davne 2018. preciznije 31.01.2018. godine , Općinsko vijeće Zavidovići („Službeni glasnik općine Zavidovići“, broj 5/08 i 5a/08) donijelo je

ODLUKU

o pristupanju izradi izmjena i dopuna Regulacionog plana „LUKE“ Zavidovići.

Predviđeni rok za izradu izmjena i dopuna Regulacionog plana je 6 (šest) mjeseci od dana usvajanje odluke.

Na aprilskoj sjednici ove godine , što je više od 5 godina od dana pristupanja izradi izmjene i dopune plana , usvojili smo NACRT DOKUMENTA.

Bili smo apsolutno jednoglasni i na taj način vrlo jasno smo pokazali da znamo kolika je važnost usvojenog dokumenta.

Utrkivali su se za govornicom vijećnici različitih opcija kako bi došli do političkih poena.

Danas, gotovo 6 godina od usvajanja odluke za donošenje tog dokumenta, a 5 mjeseci nakon usvajanja nacrt, opet tapkama u mjestu. Zašto?

Je li zbog toga što nemamo saglasnost Zavoda za urbanizam i prostorno uređenje ZD Kantona?


Je li iko odgovoran zato što ovaj dokument nije usvojen u roku 6 godina?

Zbog toga što dokumenta nema izostala je i investicija milionske vrijednosti sa novcem viših nivoa vlasti i novcem iz gradskog Budžeta.

Hoće li neko i na narednim izborima ubirati političke poene ili ćemo konačno definisati status ovog projekta?

Zavidovići, septembar 2023. godine

Šemsudin Skejić



ŠEMSUDIN SKEJIĆ
GRADSKI VIJEĆNIK
Septembar, 2023.godine

PREDSJEDAVALJUĆI GRADSKOG VIJEĆA

*PREDMET: Vijećnička inicijativa
Donošenje odluke za promjenu procedure Rasprava po vijećničkim inicijativama i načinu na koji se iste usvajaju*

Na osnovu člana 109. Poslovnika o radu Gradskog vijeća podnosim inicijativu za donošenje odluke za promjenu procedure o raspravi po vijećničkim inicijativama i načinu na koji se iste usvajaju.

Već duže vrijeme vijećničke inicijative sve više postaju razlogom narušavanja odnosa Gradonačelnik-Gradsko vijeće, a takođe i odnosa između vijećnika. Kada se usvoje većina je „tjesna“. Mišljenja Gradonačelnika su većinom „ne treba prihvatiti“, a kada se usvoje uglavnom se ne realizuju.

Zar nije apsurdno da se vijećnik mora izjasniti, a da pri tome ne može reći zbog čega, niti može da čuje mišljenje drugih prije nego se odluči.

Pogledajmo jedan tipični primjer, a ima ih na desetine.

Na dnevnom redu 16. Sjednice 28.07.2023.godine imali smo inicijativu za formiranje Javnog komunalnog preduzeća „Grijanje“ d.o.o. Zavidovići. Kako glasati za ili protiv?

-bez ijednog relevantnog podatka od relevantnog subjekta

-bez mogućnosti da o tome kažem bilo šta

-bez da čujem mišljenje o tome od Vijećnika, Uprave, nadležne službe....

Brojni su primjeri prihvatanja ili odbijanja inicijativa bez rasprava.

Zbog toga vratimo u poslovnik obavezu rasprava i usvajanja inicijativa na osnovu konstruktivnih rasprava.

*Gradski vijećnik
Šemsudin Skejić*

Šemsudin Skejić

ŠEMSUDIN SKEJIĆ
GRADSKI VIJEĆNIK
Septembar, 2023.godine

-PREDSJEDAVAJUĆI GRADSKOG VIJEĆA

PREDMET: Vijećnička inicijativa

Donošenje odluke o subvencioniranju troškova liječenja djece i mladih oboljelih od malignih bolesti (hemato-onkološki pacijenti) u iznosu od 1000 KM po pacijentu godišnje

Na osnovu člana 109. Poslovnika o radu Gradskog vijeća podnosim inicijativu za subvencioniranje troškova liječenja hemato-onkoloških pacijenata (djece i mladih) Grada Zavidovići.

Usvajanjem ovakve Odluke djeca i mladi hemato-onkološki pacijenti ostvarili bi subvenciju u iznosu od 1000 KM godišnje za svakog pacijenta.

Naime, prema nezvaničnim podacima kojima raspolažem (čuvajući njihovu privatnost), u ovom trenutku na području grada Zavidovići postoji oko petero djece koja se vode kao hemato-onkološki pacijenti i koji svoje liječenje i kontrole obavljaju na Hematoonkološkom odjeljenju Pedijatrijske klinike Univerzitetskog kliničkog centra u Sarajevu. Tačan broj hemato-onkoloških pacijenata moguće je po zahtjevu dobiti od JU Dom zdravlja Zavidovići, a da ih ima oko pet moja je procjena.

Liječenje od ove bolesti, je veoma dug, težak i traumatičan proces, koji zahtijeva kontinuiranu i dugotrajnu izolaciju djeteta od društva.

Njihova borba je borba za cijeli život i način života se od uspostavljanja dijagnoze potpuno mijenja. Liječenje je dugotrajno i mukotrpno i zahtijeva pored liječenja citostaticima, primjenu i drugih lijekova, operativne zahvate, stalne kontrole i psihološku pomoć.

Budući da se mnogi lijekovi ne mogu dobiti u domovima zdravlja i da se mnogi nalazi ne mogu uraditi u domovima zdravlja niti na Pedijatrijskoj klinici, roditelji su primorani raditi nalaze u privatnim laboratorijama, čak i u inostranstvu i kupovati lijekove, što iziskuje ogromne troškove koje roditelji ne mogu podnijeti. Dodatne troškove predstavljaju i stalni odlasci na kontrole u kliniku Univerzitetskog kliničkog centra u Sarajevu.

Način života se potpuno mijenja i u smislu ishrane koja mora biti kvalitetna, jer se djeci moraju omogućiti zdrave organske namirnice, vitamini i drugi razni suplementi koji će im pomoći tokom liječenja ali i kasnije nakon završetka liječenja, a sve to mnogo košta.

Posljedice bolesti, ali i posljedice liječenja, posebno hemoterapije, javljaju se i godinama nakon prestanka liječenja, te je djeci potreban stalan medicinski nadzor i praćenje.

Zbog svega navedenog predlažem da se iz Budžeta grada izdvoje novčana sredstva koja će biti namijenjena djeci i mladima i koja će pomoći njihovim roditeljima da se lakše nose sa finansijskim teškoćama i sa svim onim što ove bolesti nose sa sobom.

Smatram da moramo pokazati odgovornost i solidarnost sa ovom djecom i njihovim roditeljima, moramo pokazati da nisu sami i staviti ih u vrh prioriteta.

Potrebna sredstva za realizaciju Inicijative predvidjeti u procesu usvajanja Budžeta Grada za 2024.godinu.

Gradski vijećnik

Šemsudin Skejić

Šemsudin Skejić

3. **Da li će blagovremeno biti sprovedene sve radnje koje će obezbijediti zaštitu od gubitka prava vlasništva po osnovu zakona o stvarnim pravima , čl. 58. (sticanje dosjelošću) i čl. 59. Gradnja na tuđem zemljištu**

4. **Postoji li mogućnost da mi odgovori urbanističko - građevinski inspektor?**

Podsjetiću Vas da je u toku ili je već završen sudski postupak protiv Grada kao vlasnika građevinskog zemljišta upravo na ovom lokalitetu.

Postaje sve izvjesnije da će takav i slični postupci biti naša svakodnevica u budućnosti.


Na temelju rezultata pravosnažnog rješenja ovog spora temeljit će se obrazloženja tužitelja i odbrane u slijedećim sporovima.

Koristim priliku da još jednom podsjetim nadležne da pažljivo pripreme tačku dnevnog reda , stanje imovine u vlasništvu Grada na oktobarskoj sjednici.

Zavidovići, septembar 2023. godine

Šemsudin Skejić





216/12
Grad₂
1016 m²

203/3
Grad
1534 m²

216/6
Grad
1827 m²

204

K.O. A

216/7
Grad
686 m²

ZAVDOVICI

209/1
Grad
4246 m²

K.O. ZAVIDOVICI

211
Grad
4207 m²

Datum: 25.09.2023. god.

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući**1. Predmet: vijećnička inicijativa**

Na osnovu člana 8. te člana 87. poslovnika o radu Gradskog vijeća Zavidovići upućujem vijećničku inicijativu naslovljenu na stručnu službu gradskog vijeća Zavidovići da zajedno sa nadležnim službama sačini i uvrsti na dnevni red na neku od narednih sjednica **Informaciju u sektoru kladenja i igara na sreću.**

Obrazloženje: Veliki broj građana u zadnje vrijeme traži da se o ovome raspravlja na vijeću navodeći da su kladenje i kockanje u zamahu i da je za ovako mali grad preveliki broj mjesta gdje se ista mogu obaviti, čime se posljedično doprinosi siromaštvu i hroničnom stresu stanovništva.

Nisu potrebna sredstava za provođenje predmetne inicijative.

2.**Predmet: vijećničko pitanje.**


Na osnovu člana 8. te člana 87. poslovnika o radu Gradskog vijeća Zavidovići upućujem vijećničko pitanje menadžmentu i direktorici JU Dom zdravlja Zavidovići u kojemu tražim odgovor na rad i funkcionisanje rada pojedinih službi.

Naime pismenim putem u anonimnom pismu od „grupe građana-trudnice“ i „grupe građana-majke“ traži se od mene da ukažem na probleme koji postoje u nefunkcionisanju dvije službe i to Službe za ginekologiju i perinatologiju sa porodilištem i pedijatrijske službe.

Ukratko problemi se odnose na nefunkcionalnost porodilišta i problemi sa naručivanjem i dinamikom pregleda na Službi za dječije bolesti (4 pedijatra, prazni hodnici, a pacijenti se vraćaju itd...).

Uz vijećničko pitanje prilažem i kopiju navedenog pisma.

Vijećnik : Ferid Kaknjašević



Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr. Pinkasa Banta bb

Tel: +387 (0) 32 879-040

www.sdp.ba(zgrada „Stare općine“)
72220 Zavidovići

Fax: +387 (0) 32 879-040

facebook.com/sdpbihfacebook.com/sdpbihzavidoviciE-mail: sdpzdici@bih.net.ba

Bosna i Hercegovina

501 11
704
11:39:31

JP BH POŠTA d.o.o.	
	1,10 KM
72220	16.09.2023

Specijalističko Ginekološka
Ordinacija Dr. KAKNJAŠEVIĆ
Ul.Gazi Husref-begova bb
72220 Zavidovići
n/r Doktora

POŠTOVANI DOKTORE OBRAĆAMO VAM SE KAO OPĆINSKOM VIJEĆNIKU I DOKOTORU DA VAM UKAŽEMO NA PROBLEME KOJI POSTOJE U DOMU ZDRAVLJA ZAVIDOVIĆI.

KAO ŠTO VAM JE POZNATO U DOMU ZDRAVLJA POSTOJI PORODILIŠTE KOJE SE FINANSIRA IZ ZAVODA.

TO PORODILIŠTE POSTOJI SAMO ZA UZIMANJE SREDSTVA OD ZAVODA. SADA SE SVE TRUDNICE ŠALJU ZA ZENICU JER IM KAŽU DA VIŠE NEMAJU BĀBICA I DA NE RADI.

NIJE TAČNO IMAJU, RADE ALI NEZNAJU ORGANIZOVATI I RADITI. AKO FALI ZAŠTO NE PRIME SA BIROA ŽENE KOJE SU GODINAMA NA ČEKANJU TOG POSLA.

VI KAO OPĆINSKI VIJEĆNIK I DOKTOR OD TE STRUKE MOLIMO VAS KAO GRUPA GRAĐANA (TRUDNICA) DA NA VIJEĆU POSTAVITE PITANJE U VEZI OVOG.

KAKO NEŠTO DA POSTIJI, A PACIJENTI SE NE ZBRINJAVAJU I NE DOBIJAJU POTREBNU USLUGU, NEGO SU PREPUŠTENI SAMI SEBI I SREĆI.

POROD KAD KRENE JEL MOGUĆE DA U 21 VIJEKU JEDNA ZDRAVSTVENA USTANOVA NE MOŽE PRUŽITI USLUGU A IMA ČAK 2 LJEKARA GINOKOLOGA.

GRUPA GRAĐANA – MAJKE

NA DJEČIJEM U DOMU ZDRAVLJA IMAJU 4 PEDIJATRA KAD GOD SE DOĐE HODNICI SU PRAZNI A PACIJENTI SE VRAĆAJU, MORA SE NARUČITI.

DJĘCA SA TEMPERATUROM PO 3 DANA DOVEDU SE I VRATE, DOBIJU TERMIN ZA 3-4 DANA.

KAKO RODITELJ MOŽE ZNATI KAD ĆE SE DIJETE RAZBOLJETI I DA TRAŽI 7 DANA PRIJE TERMIN?

MOLIMO VAS DA OVA PITANJA POSTAVITE NA OPĆINSKOM VIJEĆU JER JE GRAD ZAVIDOVIĆI OSNIVAČ DOMA ZDRAVLJA I MENUJE UPRAVU – DIREKTORA.

KAKO VAM MOŽE PROĆI IZVJEŠTAJ O POSLOVANJU, A PACIJENTI NEMAJU ADEKVATNU USLUGU?
NAPLAĆUJE SE SVE I ŠTO TREBA I ŠTO NE TREBA.

Dr.Ferid Kakanjašević
Ul.Gazi Husref begova
72220 Zavidovići

BOSNA I HERCEGOVINA

Datum: 25.09.2023.

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

n/r. predsjedavajući

Predmet: Inicijativa za donošenje odluke o izgradnji pješačke staze na šetalištu pored hotela Kristal u ulici Hasana Kjačije Pruščaka

Poštovani,

na osnovu člana 109. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za donošenje odluke o izgradnji pješačke staze na šetalištu pored hotela Krista u ulici Hasana Kjačije Pruščaka.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Šetalište pored hotela Kristal u ulici Hasan Kjačije Pruščak predmet je čestih sajamskih izložbi i posjete velikog broja građana kako domaćih tako i drugih lokalnih sredina.

Trenutna asfaltna podloga ovog šetališta je u jako lošem stanju i loša je "slika" naše lokalne zajednice onima koji posjećuju sajamske izložbe kao i građanstvu koje svakodnevno šeta ovim dijelom ulice.

Rekonstrukcija ulice ispod hotela Kristal zahtjeva izgradnju pješačke staze u dužini od cca. 150 m na potezu od mosta "Duga" do mosta "318. Brdske brigade".

Sredstva za realizaciju ove inicijative predvidjeti Budžetom Grada Zavidovići za 2024.godinu u iznosu od 70.000,00 KM.

S poštovanjem,



Vijećnik SDP BiH

Haris Hodžić, dipl.oec.

Općinska organizacija SDP BiH Zavidovići

Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

Bosna i Hercegovina
Federacija Bosne i Hercegovine
Zeničkodobojski kanton
Grad Zavidovići
Gradski vijećnik Mujkić Admir
Datum: 25.09. 2023. g .

Gradsko vijeće Zavidovići
Gradonačelnik grada Zavidovići
N/ R predsjedavajući gradskog vijeća
Prof. Admir Forjnica


Predmet: Vijećničko pitanje

Poštovani,

na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeće postavljam vijećničko pitanje .

Vijećničkim pitanjem obraćam se nadležnoj službi grada da nam dostave informaciju o planovima legalizacije i prostornog planjenja javnih puteva nad kojima do sad nije proveden imovinsko – pravni postupak obzirom da se radi uglavnom o putevima u seoskim sredinama. Molim da se u izvještaj uvrste svi putevi u našem Gradu nad kojima do sad nije proveden navedeni postupak uknjižbe, zbirna dužina puta koji nije legalizovan, kao i informacija o razlozima zbog kojih postupak nije proveden.

Samostalni gradski vijećnik:



Mujkić Admir

Bosna i Hercegovina
Federacija Bosne i Hercegovine
Zeničkodobojski kanton
Grad Zavidovići
Gradski vijećnik Mujkić Admir
Datum: 25.09. 2023. g .

Gradsko vijeće Zavidovići
Gradonačelnik grada Zavidovići
N/ R predsjedavajući gradskog vijeća
Prof. Admir Forjnica

Predmet: Vijećničko pitanje

Poštovani,

na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeće postavljam vijećničko pitanje .

Pitanje upućujem na Službu za upravu civilne zaštite da nam predstavite izvještaj o sanaciji šteta nastalih kao posljedica prirodnih katastrofa i klizišta u periodu 2014. do 2023. godina. Izvještaj bi trebao da sadrži osnovne informacije o mjestu na kojem je sanacija obavljena, razlozima koji su proizveli materijalnu štetu ; vlasniku objekta na kojima je sanacija ostvarena kao i iznosu i vrsti sredstava uložениh u postupku sanacije štete.

Samostalni gradski vijećnik:


Mujkić Admir

Bosna i Hercegovina
Federacija Bosne i Hercegovine
Zeničkodobojski kanton
Grad Zavidovići
Gradski vijećnik Mujkić Admir
Datum: 25.09.2023. g .

Gradsko vijeće Zavidovići
Gradonačelnik grada Zavidovići
N/ R predsjedavajući gradskog vijeća
Prof. Admir Forjnica

Predmet: Vijećničko pitanje

Poštovani,

na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeće postavljam vijećničko pitanje

U skladu s vijećničkim ovlastima zatražiću odgovor na pitanje zašto se ne raspisuju javni pozivi za sanaciju mjesnih društvenih domova budući da je kantonalni nivo vlasti zainteresovan za tu vrstu saradnje i da postoje određene vrste garancija da se u narednom periodu ostvari finansijski transfer za sanaciju dva društvena doma u mjesnim zajednicama. U kontaktu s kantonalnim nivoima vlasti smo dobili uvjerenja da će novac biti prebačen ukoliko grad raspiše poziv za sanaciju društvenih domova.

Samostalni gradski vijećnik:


Mujkić Admir

LATIFOVIĆ RAMIZ

VIJEĆNIK

VIJEĆNIČKO PITANJE

- KADA ĆE BITI ODRŽANI IZBORI ZA ČLANOVE SAVJETA MJEŠNIH ZAJEDNICA, JER JE ISTIN ISTEKAO MANDAT, A I DAJE DJELUJU I RADE U SVOJIM MJEŠNIM ZAJEDNICAMA

- DALI ONI DAJE MOGU OBNAŠATI FUNKCIJU ČLANA SAVJETA MJEŠNE ZAJEDNICE, AKO NE ODGOVOR DA MOGU MOLIM PISMENO DA MI ODGOVORITE NA OSNOVU KOJEG ČLANA STATUTA, JER MANDAT ČLANA SAVJETA TRAJE 4 GODINE OD DANA ODRŽAVANJE IZBORA ~~##~~ A ZADNJI IZBORI SU ODRŽANI U JULU 2019 g.

VIJEĆNIK
Latifović Ramiz

BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

Predsjedavajući Gradskog vijeća

Predmet: Inicijativa za raspisivanje Javnog konkursa za učenike osnovnih i srednjih škola u obilježavanju značajnih datuma za državu i lokalnu zajednicu u pisanju literarnih radova.

Na osnovu člana 109. Poslovnika o radu Gradskog vijeća Zavidovići, Inicijativu podnosim u pisanoj formi.

OBRAZLOŽENJE :

Posljednji Javni konkurs za učenike osnovnih i srednjih škola u pisanju literarnih radova na području našeg Grada bio je u novembru 2018.god. S obzirom da imamo veliki broj mladih ljudi koji pišu, rade na očuvanju pisane riječi, ovo će im biti prilika da pokažu svoj talenat, a Grad Zavidovići da pokaže da nam je stalo da naših mladih.

Ovom Inicijativom planirano je da javni Konkurs u pisanju literarnih radova za učenike osnovnih i srednjih škola bude četiri puta u toku jedne godine, i to na sljedeće za sve nas bitne datume:

- 1. mart- Dan nezavisnosti Bosne i Hercegovine
- 15.april- Dan Armije BiH
- 15.septembar- Dan Grada Zavidovići
- 25. novembar- Dan državnosti BiH

Novčane nagrade i diplome bi bile obezbijedene za tri prvorangirana učenika osnovnih i tri prvorangirana učenika srednjih škola i to na sljedeći način:

Prvo mjesto 150 KM

Drugo mjesto 100 KM

Treće mjesto 50 KM

Za realizaciju Inicijative potrebno je obezbjediti sredstva u iznosu od 3000 KM, od čega bi 2400 KM bilo utrošeno za nagrade a 600 KM za troškove štampanja diploma i troškove reprezentacije.

Sredstva za realizaciju Inicijative planirati Budžetom za 2024 god. a obavezu prijema i pregledanja radova preuće Udruženje ljubitelja i autora pisane riječi „ Duga „ Zavidovići uz podršku profesora Bosanskog jezika i književnosti koji rade u osnovnim i srednjim školama na području Grada Zavidovići

Zavidovići: 25.09. 2023.god.

Samostalni vijećnik u GV

Fojnica Admir



BOSNA I HERCEGOVINA

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

Predsjedavajući Gradskog vijeća

Predmet: Inicijativa za izgradnju spomenika ubijenoj djeci Zavidovića tokom agresije na Republiku Bosnu i Hercegovinu u periodu od 1992-1995 godine.

Na osnovu člana 109. Poslovnika o radu Gradskog vijeća Zavidovići, Inicijativu podnosim u pisanoj formi.

OBRAZLOŽENJE : Saglasno naučnim nalazima i tumačenjima, međunarodno humanitarno pravo, kojeg su prihvatile mnoge zemlje članice UN, a među kojima je i Bosna i Hercegovina prihvaćeno je da se osoba do navršenih osamnaest godina života smatra djetetom.

Za vrijeme agresije na Bosnu i Hercegovinu, na slobodnom području zavidovičke općine ubijeno je 25 djece. Od toga 12 djevojčica i 13 dječaka. Djeca su ubijana snajperima, granatama, minama na svim mogućim mjestima : u stanovima, u blizini svojih kuća, u blizini škola, bolnica, na igralištima, na ulicama i drugim mjestima. Ubijena su djeca iz grada i 18 različitih sela. U gradu je ubijeno šestoro djece, a na seoskim područjima devetnaestero djece.

U cilju izgradnje kulture sjećanja, odnosno memoralizacije stradanja, ubijene djece Zavidovića, smatram da je najmanje što možemo da uradimo za ubijenu djecu našeg Grada je očuvanje sjećanja na njih. S tim u vezi smatram da je izgradnja spomenika ubijenoj djeci Zavidovića stroga dužnost našeg društva.

Lokacija koja bila pogodna za izgradnju spomenika je u ulici Maršala Tita, šetalište ispod hotela Kristal, ukoliko nije izvodivo, naravno Grad Zavidovići može odrediti neku novu lokaciju.

U razgovoru sa stručnim ljudima koji su već radili slične spomenike, za realizaciju ove Inicijative potrebno bi bilo izdvojiti 20000 KM.

Sredstva za realizaciju Inicijative planirati Budžetom Grada Zavidovići za 2024 god.

Zavidovići: 25.09. 2023.god.

Samostalni vijećnik u GV

Fojnica Admir